



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. || Lv dovici || De Ponte Vallis-|| Oletani, È Societate ||
Jesv Theologi.|| De || Christiani hominis || Perfectione In
Qvo-|| libet eius Vitæ genere.|| Tomi Qvatvor.||**

Quorum argumenta ex S. Rvth Historia præcipué desumpta

Puente, Luis de la

Coloniæ Agrippinæ, 1625

§. 1. Perfectio Statibus omnibus communis.

urn:nbn:de:hbz:466:1-39637

Sanctitas
Christi imi-
tanda.

præcinctus; & gladius quem secum gestat; & annuli ac gemmæ, quibus eius digiti ornantur, ac reliqua ad pulchritudinem & perfectionem omnium membrorum suorum spectantia? altera res, quam nobis proponit, est sanctitas & perfectio unicuique fidelium iuxta suum Statum accommodata, ut eam imitetur, quæ in ipsomet Christo ad nostrum exemplum resplenduit, quemadmodum iam declarabitur.

§. 1. *Perfectio Statibus omnibus communis.*

SANCTITAS omnibus communis in quocunque Statu quatuor illa complectitur: PURITATEM à culpis, Passionum MORTIFICATIONEM, BONORUM OPERUM copiam, & in eis usque ad mortem PERSEVERANTIAM. Hoc verò totum significat S. Ioannes, cum ait se vidisse Christum Dominum nostrum vestitum *podere*, quæ (ut ait S. Hieronymus) erat a *vestis*, siue tunica *Sacerdotalis* bissina, siue linea subtilissima, longa usque ad pedes; ad eò verò angusta, ut nullam faceret rugam, ad significandam Sanctitatem & Perfectionem, quæ in diuina ipsius persona exiit, & quæ merito debet in mystico ipsius corpore, & in omnibus iustis, cuiuscunque Status, splendere: omnes enim esse debent gens sancta, & Sacerdotes spirituales, & sanctitatem ac puritatem induere tanquam talarem vestem, qua totum corpus contegatur, & in omnibus suis operibus præluere, iuxta id Ecclesiastici: *si sequaris iustitiam, apprehendes illam: & indues illam quasi poderem honoris.* Quæ vestis longa esse debet, quia (ut ait S. Gregorius) nullam corporis partem nudam, aut peccato discoopertam sinere debet. Descendit autem usque ad pedes, quia perseverandum est usque ad finem boni operis, & ipsius vitæ; non permittere transire vllum diem, quo sanctitatis vestis nos non tegat bonis operibus. Debet tamen esse tunica *strieta*, eò quod oporteat continuam ei mortificationem coniungi, & *per arctam viam ambulare, & intrare per angustam portam, que ducit ad vitam.* Absque mortificatione enim quæ nos stringat, & comprimat, non potest sanctitas conservari, Ex quo provenit, ut vestis hæc nec maculam culpæ aliquam habeat; nec teporis rugam, quæ ad culpam disponit. Quod præclare S. Augustinus expendit, dicens: quemadmodum linea vestis post lotionem extenditur valde super aliquod lignum, & crucifigitur, ut rugam non habeat: ita Iustorum vita, postquam à grauioribus culpis est lota, necesse est, extendi & crucifigi, ne leuium culpæ aut imperfectionum rugas contrahant. Quemadmodum Apostolus dixit, *Christum Dominum nostrum ita dilexisse Ecclesiam, ut se ipsum traderet pro ea, ut illam sanctificaret, mundans lauacro vitæ, ut non haberet maculam vllam aut rugam, sed ut esset sancta & immaculata.*

Hæc est iustitiæ & sanctitatis vestis, quam iusti omnes conseruare debent, in quocunque sint Statu constituti, ad imitationem eius,

quam

Exed 28. 4
psl. 127.
d Fabiol.
le Vestis sa-
cerdotali.
Vestis 1.
longa 2. An-
pedes 3. stri-
ta.
Ecl. 27. 9
ob. 19. 14.
Lib. 19. Mo-
sal. c. 16.

Lib. 1. Mo-
sal. c. ult.
c. Matt. 7. 14

In Psalm.
132.

d Ephes. c.
27.

quam ipsemet Saluator habuit in sua vita, de quo ait Isaias, quod semper fuerit *indumento iustitiae circumdatus & vestimentis salutis indutus*, donec in ligno crucis mortuus est, vt iustitiam cum summa puritate & perfectione conseruaret. Nec sine magno mysterio voluit in morte *f vestes suas militibus ipsum crucifigentibus, ita relinquere, vt exteriores in quatuor partes diuiderent, & vnusquisq; vnam acciperet; tunica vero inconsutilis, quae erat interior, vni soli sorte contingeret; quia ipse non permisit eam diuidi.* quo facto duplicem sanctitatis modum insinuauit, quam haereditate hominibus reliquit, pro quorum redemptione voluit affigi cruci. Altera sanctitas & iustitia est interior, per hanc tunicam significata, quae consistit in gratia, & charitate, cum virtutibus moralibus infusis ac donis Spiritus Sancti. Et haec non potest diuidi; sed integra datur omnibus iustis, qui sunt tanquam vnus ob amoris vnitionem. Et (vt Apostolus dixit) *gratis datur, non humana, sed diuina: uocatione scilicet & electione Dei.* Sine hac tunica & veste, quae est tanquam *h vestis nuptialis*, nullus potest dignè assistere conuiuio Ecclesiae militantis; ac proinde nec intrare ad ea conuiuia, quae habentur in triumphante. Altera sanctitas est, quae licet ab interiori proficiscatur, exigit tamen externos aliquos actus, ad quos dirigitur. Et in his diuisio esse potest, quam significant exteriores Christi vestes in partes diuisae. Ad hanc pertinet sanctitas & perfectio specialis Statuum & Officiorum Ecclesiae, quae non omnia dantur vni, sed inter diuersos fideles distribuuntur, assignato vnicuique aliquo. Dicuntur autem ipsi eos diuidere inter se, quia vt plurimum illi eos iuxta suas inclinationes, & ob proprias aliquas rationes & motiua eos eligunt: quamuis non propterea censeatur excludi diuina uocatio. Imò Sanctus Marcus ait: postquam diuisa erant vestimenta, *i misisse milites sortem super eis, quis quid tolleret, vt ex eo intelligamus, etiam in his diuisionibus locum esse sorti diuinae uocationis & electionis.* Prima tamen & praecipua omnium cura esse debet, vt cuique saelix ille sors contingat tunicae inconsutilis, gratiae scilicet & charitatis, quae omnibus Dei filijs communis est, & illorum tantum proprietas: quae *desuper erat contexta*, quia cum singulari excellentia venit è caelo, vnde *k descendit omne datum optimum, & omne donum perfectum.* Et quemadmodum CHRISTVS Dominus noster prius hanc tunicam induit, quam caetera vestimenta: ita iure merito omnes Christiani deberent iustitiam & sanctitatem Christi induere, & super eam speciales addere gradus perfectionis, quae ad suum cuiusque Statum pertinet.

e Isai. 61.
10.f Ioan. 19.
23.Charitas
tunica
Christi in-
consubtilis.
g Ephe. 1.11.h Matt. 22.
11.Reliqua-
rum virtu-
tum vestes
diuiduntur.i Marc. 15.
24.k Iacob. 1.
12.